

Prins Carnaval y Pancho



Riba e foto aki nos por mira Prins Carnaval 1958 (Rey Orman) y su Pancho (Celso Balz) direct despues di nan eleccion como tal Diasabra anochi den Club Suriname. Prins Carnaval a priminti cu lo e cuida personalmente pa e anja aki tambe e Carnaval lo bai alnda mas mihor cu antes . . .

PAGINA TRES

Rey Orman E Anja Actual Eligi Cu Unanimidad Di Voto Prins Carnaval

SAN NICOLAS: — Durante di un gran fiesta cu tabatin Diasabra anochi den Club Suriname y pa cua tabatin masha interes, Prins Carnaval pa e anja aki a keda elegi. Tabatin seis candidatos: di Commandeursbaai Club Mexle Garcia, kende a bai cu su candidato pa Pancho Efigenio Arends; Aruba Social Club cu Johnny van der Linden y Pancho Giel; PWFA Club cu Pedro Schwengle y Pancho Wilson St. Jago; Tivoli Club cu Albert Arends y Pancho Oscar Hart; Aruba Royal Club (Habrak Boys) cu Rey Orman (sin Pancho), y Caribe Club cu Nick Eman y Pancho Hubert Ponson.

Eleccion di Prins Carnaval a cuminsa pa diesdos or ora cu e diferente candidatonan a worde invita door di e president di Comite Central di Carnaval Janchi Arends un sigui

pa otro di bin presenta nan mes na e publico presente. Mayor di nan a haci esei di un manera simpatico, pero den nan Rey Orman, kende tabata sabi di acapara e simpatia di e publico di un manera maravilloso casi prome cu e habri su boca mes. Te

ora cu e jury a duna su resultado cua jury tabata consisti di Sres. H. Rodriguez, A. J. Augustin, Addi Toppenberg, Hannays Paal y D. Wolff casi hende no por a tende otro cosa sino „we want Reggie” y casi prome cu e president a anuncia esei, ya tur hende a comprende cu Rey a keda elegi cu unanimidad di voto; sinembargo e otro candidatonan tur a acepta e decision aki di un manera masha sportief. Ta posibel mes cu Rey lo tabata kizas nan mes candidato tambe. Pero una vez tabata „sina leuw y Prins Carnaval 1958 durante di como un cuarto di ora a duna su oyentenan un chens di con su hari, y cu su atencion a worde yama cu e falta di un Pancho, ela scohe Celso Diaz como tal.

Riba tono di Estrellas Rey de Copas baliamento a sigui te laat den anochi.